

大方廣佛華嚴經卷第五十一

垂三

東晉天竺三藏佛陀跋陀羅等譯

大方廣佛華嚴經入法界品第三十四之七

尔時善財童子一心正念彼優婆夷是我真善知識念彼正教念彼所說念彼所發念彼所開念彼示現念彼所歎念彼所明念

彼廣演念彼修習隨順思惟修遍修寂靜寂滅照明觀察漸漸經由城邑聚落於日沒時入知足城周遍推求隨順一切衆生外道今在何所於中夜時見彼城北有一大山光明照曜如日初出爾時善財天明出城登彼山上遙見外道靜處經行成就妙色超踰梵王一萬梵天眷屬圍繞往詣其所頭面禮足却住一面白言大聖我已先發阿耨多羅三藐三菩提心而未知菩薩云何學菩薩行修菩薩道答言善哉善男子乃能發阿耨多羅三藐三菩提心善男子我已安住至一切處菩薩之行成就普觀三昧法門無依無

作神足以平等般若波羅蜜光明觀察分別一切諸趣一切衆生死此生彼流轉諸有種種雜類形色好醜種種欲樂諸趣受生所謂天龍夜叉乾闥婆阿脩羅迦樓羅緊那羅摩睺羅伽地獄餓鬼畜生閻羅王處人非人處彼諸衆生或著邪見或好二乘或樂大乘以妙智慧種種方便饒益衆生或教世間種種技藝欲令衆生得諸巧術陀羅尼門或以四攝攝取衆生欲令一切得薩婆若或歎諸波羅蜜欲令衆生得一切智迴向或歎發菩提心欲令衆生於諸善根不可沮壞或歎菩薩行欲令衆生嚴淨佛刹滿足大願教化衆生或說狀離法欲令衆生知惡行果受三塗苦或說淨法欲令衆生發歡喜心於諸佛所殖衆德本得一切智果或歎如來應供等正覺欲令衆生發弘誓願一向專求清淨法身或歎如來功德欲令衆生一向樂求佛無壞身或歎如來無比妙法欲令衆生得佛一切無

壞功德復次善男子此知足城內一切人民男女長幼隨其所應我悉化度彼諸衆生莫知我誰此間浮提九十六種外道邪見我悉爲彼種種說法斷其邪見三千大千世界乃至十方一切出界諸衆生海以種種智方便法門種種諸事色像音聲化度饒益亦復如是善男子我唯知此菩薩至一切處行法門諸大菩薩身與一切衆生數等悉得分別一切衆生身三昧出生變化輪遍遊一切出界一切諸趣普現十方一切衆生前其有見者樂觀無厭悉能長養一切善根住一切劫不捨大願得因那羅莊嚴光明之行不著一切

余
二
三
專求實義隨順衆生三昧平等照無我界具足無盡大悲之藏我當云何能知能說彼清淨行功德智慧善男子於此南方有一國土名甘露味彼有長者名青蓮華香汝詣彼問云何菩薩學菩薩行修菩薩道時善財童子頭面敬禮彼外道足遶無數匝辭退南行余

時善財童子不惜身命不著財寶遠離熾然不著諸趣不著世間五欲快樂不著眷屬勢力自在常樂化度一切衆生嚴淨一切諸佛世界恭敬供養一切諸佛心無厭足知一切法真實之相欲得一切菩薩功德巨海滿足大願於一切劫修菩薩行詣一切佛及眷屬海入一菩薩三昧悉能顯現一切菩薩神力自在於一毛孔見一切佛心無厭足悉聞受持一切諸佛正法輪雲心無厭足專求此等一切菩薩諸佛功德漸漸遊行至甘露味國詣青蓮華香長者所頭面禮足遶無數匝於一面住白言大聖我已先發阿耨多羅三藐三菩提心向無上道志求一切諸佛智慧欲滿一切諸佛大願欲淨一切諸佛色身欲見一切諸佛法身欲知一切諸佛智身欲淨滿一切菩薩諸行欲照一切菩薩諸三昧門欲成就一切菩薩諸施羅尼欲悉除滅一切障礙欲遍遊一切諸佛出界而未知菩薩云何

學菩薩行修菩薩道生一切智荅言善哉善哉善男子我能善知一切諸香一切和香一切熏香一切塗香一切末香一切香王一切天香龍夜叉乾闥婆阿脩羅迦樓羅緊那羅摩睺羅伽人非人等香除滅一切衆疾病香滅憂惱香生一切衆生諸喜樂香長養諸煩惱香除滅諸煩惱香喜樂無爲香獸離有爲香放逸香不放逸香念諸佛香順正法香賢聖人香分別一切諸菩薩香一切菩薩地一切菩薩住香如是等香我悉了知彼香生起所行成就具足清淨安隱方便境界行業根本皆悉了知善男子人中有香名大象藏因龍鬪生若燒一丸興大光網雲覆甘露味國七日七夜降香水雨若著身者身則金色若著衣服宮殿樓閣亦悉金色若有衆生得聞此香七日七夜歡喜悅樂滅一切病無有枉橫遠離恐怖危害之心專向大慈普念衆生我

知彼已而爲說法今無量衆生於阿耨多羅
三藐三菩提得不退轉善男子復有香名生
頭栴檀從離垢山生若以塗身火不能燒復
有香名不可壞從大海生若以塗身出妙音
聲降伏怨敵復有香名蓮華黑沉水從阿耨
達池四岸邊生若燒一丸悉能普熏闇浮提
界若有衆生得聞此香離一切惡具清淨戒
復有香名曰明相從雪山王生若有衆生聞
此香者離諸垢染心得清淨而爲說法令彼
悉得菩薩離垢圓滿三昧復有香名曰海藏
從羅刹國生應轉輪王若燒一丸令四種兵
列住虛空復有香名清淨莊嚴從善法堂生
若燒一丸悉令諸天得念佛三昧復有香名
曰淨藏從夜摩天生若燒一丸令彼諸天皆
悉雲集詣夜摩王聽受正法復有香名先陀
婆從兜率天生常在補處菩薩座前若燒一
丸興大香雲普覆十方一切法界雨無量莊
嚴供一切佛及其眷屬復有香名曰轉意從

化自在天生若燒一丸於化自在天七日七夜雨莊嚴雨善男子我唯知此香諸大菩薩遠離一切不善習氣永離五欲滅除煩惱降伏衆魔斷一切縛離三有趣智慧妙香而自莊嚴一切世間無所染著具足成就無礙戒香除滅障礙智慧境界通達無滯心常平等

我當云何能知能說彼功德行清淨戒門身口意業離一切惡善男子於此南方有城名曰樓閣彼有海師名曰自在汝詣彼問云何菩薩學菩薩行修菩薩道時善財童子頭面敬禮彼長者足遠無數而辯退南行余時善財童子向樓閣城觀察正道專求正道觀察夷險道垢淨道安危道復作是念因善知識得菩薩道諸波羅密道攝取衆生入無礙法界隨順一切衆生除滅一切煩惱熾然一切邪見拔一切不善刺度一切生死海必至一切智城何以故因善知識得一切善根因善知識得一切智作是念已漸漸遊行至樓閣城

周匝推求自在海師見在海岸船舶處住十萬商人及無量衆而圍遶之欲聞勝法入大海法佛功德海法往詣其所頭面禮足却住一面而言大聖我已先發阿耨多羅三藐三菩提心而未知菩薩云何學菩薩行修菩薩道答言善哉善哉善男子乃能發阿耨多羅三藐三菩提心能諮詢我大乘妙寶度生死海到一切智洲得不可壞摩訶衍法離二乘難住寂滅樂遠離生死洄渦流淵逮得菩薩至處道法陀羅尼輪菩薩莊嚴道薩婆若波浪成就普法門於一切法無所障礙度一切智海善男子我成就大悲幢淨行法門在此海邊樓閣城中為貧窮者修諸苦行欲令一切隨意所求悉充足已廣為說法皆令歡喜發起善根長養功德智慧之藏利菩薩根發菩提心淨菩薩真心增益菩薩深心出生長養大悲之力除生死苦遊生死海而無疲倦攝取衆生海令住功德海得一切法智海光

明見一切佛海度一切智海善男子我住此城如是思惟如是正念饒益衆生善男子我知海中一切寶洲一切寶相一切生寶一切淨寶及不淨寶知一切寶價一切寶器知一切寶隨所應用知作一切寶知一切寶境界知一切寶光明知一切龍宮殿滅一切龍難知一切羅刹宮殿滅一切羅刹難知一切大身衆生宮殿滅一切大身衆生難知趣知捨洄渡恐怖能離波浪知相水色知日月星宿知諸筭數知晝知夜知刹那羅婆摩訖妬路知去知住安危之法知海船舶牢不牢法明候風相而迴轉之了所至處善男子我已成就如是智慧利益衆生故入於大海因為說法悉令歡喜離生死怖入一切智海竭愛欲海逮得三世光明智海度一切苦海清淨一切衆生心海嚴淨一切諸佛刹海遍遊一切十方界海無所障礙知一切衆生諸根願海隨順一切衆生行海知一切衆生隨所應海

卷

三

六

余

善男子我成就此大悲幢淨行法門若有見聞憶念我者皆悉不虛善男子我唯知此法門諸大菩薩行於生死煩惱大海無所染著離邪見海入實法海以善方便攝衆生海住一切智海滅一切衆生諸放逸海善分別知時非時海善方便知化衆生海未曾失時我當云何能知能說彼功德行善男子於此南方有城名曰可樂彼有長者名無上勝汝詣彼問云何菩薩學菩薩行修菩薩道時善財童子頭面禮足遙無數帀悲泣流淚辭退南行余時善財童子增廣大慈大悲潤澤長養功德智慧莊嚴離煩惱垢入平等法心不放逸拔不善刺滅一切障精進堅固修習菩薩不可思議三昧慧光普照寂靜快樂功德水池解脫華敷滿足大願充滿法界無所障礙趣一切智一向專求菩薩正道漸漸遊行至可樂城周遍推求無上勝長者城東有林名離憂樹妙莊嚴幢時彼長者在此林中無量

長者周而圍遶理斷國事因爲說法離我我所及一切有遠離嫉妒清淨心海安住淨心常見諸佛得無垢信力受諸佛法起菩薩力行菩薩行出生菩薩諸三昧力顯現菩薩諸智慧力演說菩薩正念之力樂發無上菩提之心余時善財詣長者所以敬法故五體投

七

地良久乃起白言大聖我是善財我是善財我已先發阿耨多羅三藐三菩提心而未知菩薩云何學菩薩行修菩薩道教化衆生常見諸佛諮詢正法悉能受持諸佛法雲專向一切諸方便門於一切世界一切劫中行菩薩行知一切佛自在神力能受一切諸佛所持得諸佛力時彼長者告善財言善哉善哉善男子乃能發阿耨多羅三藐三菩提心善男子我成就至一切趣菩薩淨行莊嚴法門無依無作神足之力善男子何等爲至一切趣菩薩淨行莊嚴法門善男子此三千大千世界一切阿脩羅世間一切迦樓羅地獄餓

鬼夜叉羅刹鳩槃茶乳闍婆人非人等世間三十三天須夜摩天刪迦率天乃至魔天世間欲界所住一切生趣一切天宮一切龍宮一切夜叉乾闥婆阿脩羅迦樓羅緊那羅摩睂羅伽等宮人中國土城邑聚落於中說法滅除諍訟諸恚害心悉解繫縛皆令出獄離諸恐怖滅不善業殺害衆生乃至邪見斷諸王事及國土事遠不善法悉令衆生除滅諸惡教以巧術及種種論饒益一切皆令歡喜隨順一切諸外道衆現勝妙智遠離邪見樂於佛法乃至梵天廣爲說法如此三千大千世界乃至十方不可說不可說億那由他佛刹微塵等世界中廣說正法所謂佛法菩薩法衆生法聲聞法緣覺法說地獄餓鬼畜生閻羅趣法現惡道苦說諸天趣現諸天樂說世間法離世間法顯菩薩道離生死惡說一切智諸妙功德滅愚癡苦及諸障礙欲令衆生得離世間諸虛妄解真實法遠離惡業滅諸

煩惱轉淨法輪善男子我唯知此至一切趣
菩薩淨行莊嚴法門無依無作神通之力諸
大菩薩具足成就諸神通明佛刹等身得普
眼地知語言道神力自在具足智慧離諸諍
訟遠得大人廣長舌相出微妙音無能壞者
分別一切三世諸佛亦無二想明淨智慧照

卷三

八

三世法境界無量淨如虛空我當云何能知
能說彼功德行善男子於此南方有一國土
名曰難忍城名迦陵伽婆提有比丘尼名師
子奮迅汎詣彼問云何菩薩學菩薩行修菩
薩道時善財童子頭面敬禮彼長者足遶無
數而眷仰觀察辭退南行尔時善財童子漸
漸遊行至彼國城周遍推問彼比丘尼時有
無量男女大衆答善財言此比丘尼今在王
園日光林中以法饒益一切衆生尔時善財
詣彼園林周遍觀察見一大樹名曰滿月放
大光明照百由旬復見大樹名曰普覆其形
如蓋放青光明復見華樹名曰華藏高如雪

山雨衆華雲如天帝釋波利質多羅樹復見
大樹名曰柔軟光明普照常有葉實復見大
樹名曰明淨不可譬喻摩尼莊嚴出阿僧祇
清淨妙寶復見衣樹出阿僧祇妙寶衣藏復
見歡喜樹自然演出微妙音聲復見普莊嚴
香熏樹出一切香普熏十方無所障礙復見

彼園水流淵池栴檀行樹周而圍遠七寶欄
楯以爲莊嚴黑栴檀泥凝停其底布以金沙
八功德水充滿其中優鉢羅鉢曇摩拘牟頭
分陀利華敷榮鮮茂遍覆其上寶樹周遍端
嚴殊妙一一樹下各敷無量師子之座布以
寶衣熏以衆香張衆寶帳白淨寶網羅覆其

卷三

九

上金鈴網中出妙音聲或有樹下敷蓮華藏
師子之座或有樹下敷香藏座或有樹下敷
龍莊嚴藏座或有樹下敷寶聚師子座或有
樹下敷明淨普照藏座或有樹下敷師子樂
藏座彼一一座各有十萬寶師子座眷屬園
遶無量莊嚴散無量寶充滿其中如海寶洲

寶衣布地柔軟妙好蹈則足沒舉則還復異類衆鳥出和雅音超越帝釋歡喜之園種種華樹常雨華雲超勝帝釋照明之園妙香普熏超於帝釋善法講堂寶樹樂樹出微妙聲超過善口天女歌音無量百千樓閣莊嚴觀者無狀超踰帝釋善現大城此園一切諸莊

嚴具如梵天宮衆生樂見尔時善財見此園林皆是菩薩業行所成出諸世間善根所起供養不可思議諸佛所得無能壞者此皆師子奮迅比丘尼了法如幻長養功德藏善根所成三千大千世界天龍八部無量衆生悉入此園而不迫迮何以故此比丘尼不可思

議威神力故尔時善財見比丘尼遍處一切寶師子座端嚴殊妙威儀庠序其心寂靜調伏諸根譬如龍象如澄淨淵如意寶珠五欲不染猶如蓮華心無所畏如師子王安住淨戒不可傾動如須彌山滅除衆生諸煩惱熱如涼香玉滅除衆病如良藥王見者不虛如

婆樓那天長養善根猶如良田見處一座淨居天衆眷屬圍遶為說不盡法門又見處座悅樂梵等梵衆圍遶為說普妙音聲法門又見處座無量他化自在天王等天子天女眷屬圍遶為說菩薩清淨自在法門又見處座化自在天王等天子天女眷屬圍遶為說清

淨一切莊嚴法門又見處座刪堦率天王等天子天女眷屬圍遶為說心藏旋復法門又見處座夜摩天王等天子天女眷屬圍遶為說無量莊嚴法門又見處座釋天王等天子天女眷屬圍遶為說獸離法門又見處座娑伽羅龍王十光明龍王難陀跋難陀龍王摩

三

十

那斯龍王伊那槃那龍王阿耨達龍王等龍子龍女眷屬圍遶為說善方便救護衆生法門又見處座提頭賴吒天王等乾闥婆男女眷屬圍遶為說無盡法門又見處座摩睺羅伽阿脩羅王等眷屬圍遶為說法界方便智莊嚴法門又見處座大勢力迦樓羅王等眷

屬園遶爲說於生死海無畏法門又見處座
 屯緊那羅王等眷屬園遶爲說佛行光明法
 門又見處座雲山摩睺羅伽王等眷屬園遶
 爲說佛喜法門又見處坐無量男子女人童
 男童女眷屬園遶爲說勝趣法門又見處座
 常奪衆生命羅刹王等眷屬園遶爲說起大
 慈大悲法門又見處座樂聲聞者眷屬園遶
 爲說勝智光明法門又見處座藥緣覺者眷
 屬園遶爲說明淨如來功德光明法門又見
 處座樂大乘者眷屬園遶爲說普門三昧智
 慧光明法門又見處座初發心菩薩眷屬園
 遠爲說一切佛大願法門又見處座二地菩
 薩眷屬園遶爲說離垢三昧法門又見處座
 三地菩薩眷屬園遶爲說寂靜莊嚴法門又
 見處座四地菩薩眷屬園遶爲說一切智勢
 力境界法門又見處座五地菩薩眷屬園遶
 爲說淨心華藏法門又見處座六地菩薩眷
 屬園遶爲說明淨藏法門又見處座七地菩

余

薩眷屬園遶爲說普地藏法門又見處座八
 地菩薩眷屬園遶爲說法界法身境界法門
 又見處座九地菩薩眷屬園遶爲說無有無
 著莊嚴法門又見處座十地菩薩眷屬園遶
 爲說無礙三昧法門又見處座金剛力士眷
 屬園遶爲說智慧金剛法門見處如是等一
 切諸座一切諸趣一切衆生眷屬園遶種善
 根者爲說善根長善根者爲說增長一切善
 根隨其所應而爲說法乃至於阿耨多羅三
 菩薩三菩提得不退轉何以故此比丘尼成就
 百萬阿僧祇般若波羅蜜門故所謂普眼般
 若波羅蜜門說一切佛法般若波羅蜜門分
 別法界般若波羅蜜門壞散一切障礙般若
 波羅蜜門出生長養一切衆生善法般若波
 羅蜜門勝莊嚴般若波羅蜜門無礙藏般若
 波羅蜜門法界圓滿般若波羅蜜門清淨心
 藏般若波羅蜜門一切衆生樂藏般若波羅
 蜜門得如是等百萬阿僧祇般若波羅蜜門

於此園中所有衆生皆於阿耨多羅三藐三菩提得不退轉尔時善財見師子奮迅比丘尼諸奇特事所謂園林資生之具經行威儀寶師子座大衆眷屬諸妙功德神力自在微妙音聲如是一切諸奇特事又聞微妙清淨音聲宣揚讚歎不可思議法無量法雲之所潤

澤身心柔軟五體投地恭敬禮已將欲繞旋見比丘尼遍一切座自見己身及無量衆樹木園林皆悉右旋繞無數而如是見已合掌恭敬於一面住白言大聖我已先發阿耨多羅三藐三菩提心而未知菩薩云何學菩薩行修菩薩道唯願大聖為我解說善男子我

成就菩薩一切智底法門大聖如此法門體性云何善男子此法門者智光莊嚴於一念中普照三世大聖此智光莊嚴法門境界云何善男子入此法門現前正受一切法林三昧時十方一切世界諸佛處兜率天者於彼一一佛所從其自身出生不可說不可說佛

華

三

十一

余

刹微塵等摩訶摩身恭敬禮拜又賚不可說不可說佛刹微塵等華香瓔珞諸妙寶鬘珠香塗香衣蓋幢幡種種寶華雲乃至一切莊嚴具雲寶網寶帳莊嚴網等種種寶座以如是等諸供養具供養如來如兜率天所興供養降神母胎出生王宮捨家學道詣菩提樹成最正覺轉淨法輪在諸天上人非人中乃至般涅槃所興供養亦復如是若有衆生知我供養皆於阿耨多羅三藐三菩提得不退轉其有衆生來至我所即為彼說般若波羅蜜我不起衆生想不取衆生想知一切語言而不著語言見一切佛不取佛想深解法身故受持一切諸佛法輪而亦不取法輪之想解了諸佛真實相故於念念中悉能充滿一切法界而亦不取法界之想了一切法猶如幻故善男子我唯知此菩薩一切智底法門諸大菩薩究竟法界一切無著一身結跏趺坐充滿法界於自身內悉能顯現一切佛刹

於一念中悉能往詣一切佛所於自身內悉能顯現諸佛神力能以一毛舉不可說不可說諸佛世界於一毛孔現不可說不可說出界成敗於一念中攝取不可說不可說衆生於一念中攝取不可說不可說劫我當云何能知能說彼功德行善男子於此南方有一

國土名曰險難城名寶莊嚴有一女人名婆須蜜多汝詣彼問云何菩薩學菩薩行修菩薩道時善財童子頭面敬禮比丘尼足遠無數而眷仰觀察辭退南行余時善財童子大慧光明以照其心具足長養一切種智一心思惟諸法實相建立一切語言陀羅尼藏寶修受持一切法輪陀羅尼爲衆生歸長大悲力方便觀察一切種智滿法界等清淨大願明淨慧光普照十方生一切莊嚴諸通明力充滿十方一切世界究竟成滿菩薩諸業漸漸遊行至險難國寶莊嚴城推問婆須蜜多女今在何所爾時有人不知彼女深智慧者

作如是念今此童子威儀庠序其心寂靜調伏諸根遠離放逸顛倒惑亂念慧現前視瞻詳審言音和雅不著形色正念思惟甚深法相遠離懈倦心如大海此非染欲顛倒之人無情欲想不沒欲泥不隨諸根行出魔界不服五欲不爲一切諸魔所縛所不應作已能不爲有何等意而求此女其中有人先知彼女有智慧者作如是言善哉童子得大善利乃能推求深智女人當知童子一向求佛悉欲攝取一切衆生拔諸欲刺壞散淨想善男子今此女人在此城中深宮之內余時善財聞此語已心大歡喜往詣其門見彼宮宅嚴飾廣大十重寶牆周而圍遶列植十行寶多羅樹十重深漸八功德水充滿其中底布金沙妙寶蓮華優鉢羅鉢曼摩拘牟頭分陀利敷榮鮮茂彌覆水上出微妙香能轉人心不生垢染衆寶宮殿臺觀樓閣阿僧祇寶以爲嚴飾紺瑠璃地灑以香水熏以沉香塗以栴

檀寶網羅覆閣浮檀金以爲垂鈴出和雅音
散衆寶華猶如降雪諸妙莊嚴說不可盡金
剛摩尼真珠寶藏充滿宅內十種園林以爲
莊嚴余時善財見彼女人處寶師子座顏貌
端嚴妙相成就身如真金目髮紺色不長不
短不白不黑身分具足一切欲界無與等者

正

三

十四

何況有勝言音婉妙世無倫匹善知字論技
藝諸論成就幻智菩薩方便以阿僧祇寶莊
嚴其身寶網羅覆首冠天冠大眾圍遶皆悉
修善同其願行成就善根不可沮壞具足無
盡功德寶藏身出光明普照一切觸斯光者
歡喜悅樂身心柔軟滅煩惱熱余時善財頭

生見我嚙呻者得壞散外道三昧若有衆生
觀察我者得一切佛境界光明三昧若有衆
生阿梨宜我者得攝一切衆生三昧若有衆
生阿衆鞠我者得諸功德密藏三昧如是等
類一切衆生來詣我者皆得離欲實際法門
善財白言大聖昔於何所種諸善根修何等
業得此法門答言善男子過去有佛号曰常
住如來應供等正覺出興于世彼佛哀愍饒
益諸群生故入安樂城足蹈門闈即時天地
六種震動其城自然奇妙廣博衆寶莊嚴散
諸雜華自然演出娛樂之音放大光明一切
諸天充滿虛空廣說如佛入城經中現奇特

垂

三

十五

余

事善男子我於爾時爲長者婦名曰善女兒如是等諸奇特事從夫長者出於道巷奉彼如來妙寶天冠時文殊師利爲佛侍者爲我說法發阿耨多羅三藐三菩提心善男子我唯知此離欲實際法門諸大菩薩成就無量方便智慧廣大智藏智慧境界無能壞者我當云何能知能說彼功德行善男子於此南方有城名首婆波羅彼有長者名曰安住彼常供養栴檀佛塔汝詣彼問云何菩薩學菩薩行修善薩道時善財童子頭面敬禮彼女人足乃至辭退南行

爾時善財童子漸漸遊行至於彼城詣長者所乃至白言大聖我已先發阿耨多羅三藐三菩提心而未知菩薩云何學菩薩行修善薩道答言善男子我已成就不滅度際菩薩法門住此法門故普見十方一切世界去來今佛無涅槃者除化衆生方便滅度善男子我開栴檀佛塔戶時念念正受無盡佛性三

昧門於念念中得無量無邊勝妙諸法白言大聖此三昧者境界云何答言善男子我入此三昧時見此世界迦葉佛拘那含牟尼佛尸棄佛毗婆尸佛提舍佛弗沙佛無上勝佛無上蓮華佛見如是等不可說不可說諸佛閻浮提微塵等佛乃至不可說不可說佛刹微塵等佛見此諸佛從初發心神力自在一切大願清淨妙行諸波羅蜜次第成就菩薩諸地得深法忍降伏衆魔長養成就自在菩提淨諸佛刹種種大衆教化衆生放大光明轉淨法輪神力變化皆悉受持正念思惟智慧分別彼諸佛法顯現衆生見知未來彌勒垂三十六余

佛等一切諸佛現在盧舍那佛等一切諸佛亦復如是如此世界見知十方三世一切諸佛聲聞緣覺菩薩亦復如是善男子我唯知此不滅度際菩薩法門諸大菩薩一念悉知三世諸法念際平等而無有二住佛所住於一切劫而無劫想隨順諸佛平等正法如來

及我一切衆生等無有二淨莊嚴智照三世間成就諸佛不轉威儀分別一切法界境界我當云何能知能說彼功德行善男子於此南方海上有山名曰光明彼有菩薩名觀世音汝詣彼問云何菩薩學菩薩行修菩薩道時善財童子頭面敬禮彼長者足遶無數帀眷仰觀察辭退南行

大方廣佛華嚴經卷第五十一

垂三

大方廣佛華嚴經卷第五十二
東晉天竺三藏佛陀跋陀羅等譯
入法界品第三十四之八
垂四

余時善財童子正念思惟彼長者教隨順善薩解脫之藏正念菩薩諸憶念力欲次第分別一切諸佛及諸佛法一心正念諸佛法流憶

唐刊

正念一切諸佛不思議業漸漸遊行至光明山登彼山上周遍推求見觀世音菩薩住山西阿處處皆有流泉浴池林木鬱茂地草柔軟結跏趺坐金剛寶座無量菩薩恭敬圍繞而爲演說大慈悲經普攝衆生見已歡喜踊躍不能自勝合掌諦觀目不暫瞬作如是念善知識者則是如來善知識者一切法空善知識者諸功德藏善知識者十力妙寶善知識者難見難遇善知識者無盡智藏善知識者功德山王善知識者開發示導一切智門能令一切入薩婆若海究竟清淨無上菩提時觀世音遙見善財告言善來童子專求大乘攝取衆生直心深心樂求佛法長養大悲救護一切向普賢行清淨成滿一切大願欲聞受持一切諸佛一切法雲增長善根而無疑足順善知識不違其教從文殊師利智慧功德大海所起成就善根得佛勢力光明三